

凡砂水銀爲藥物以遂其貪財之私耳此等邪術異端謗先
聖之大道斷後賢之真修名爲學道實則造業其爲地獄種
子無疑矣又有見理稍明立志稍正者幸不墮兩種邪術轉
而求之身心卻不知身非四大之身乃真空中妙有也心非
肉團之心乃妙有中真空也身心一如渾合無間強名曰丹
奈學人不遇真師昧於大道未免妄認四大假合爲身肉團
緣影爲心著妄身者往往守定搬精運氣偏於有作病在心
外覓身而不知真空之卽身並其所守之身亦非矣著幻心
者往往堅執坐禪入定偏於無爲病在身外覓心而不知妙
有之卽心並其所執之心亦僞矣殊不知修命而不了性壽

道藏輯要

參同契
闡幽

卷

虛集二
×××

同天地只一愚夫參性而不了命萬劫陰靈終難入聖矧妄
身幻心並其一物而亦非者乎大抵各執一家不參同類皆
所謂偏陰偏陽之疾非一陰一陽之大道也魏公作參同契
一書究大易之性情假爐火之法象印黃老之宗旨無非吐
露同出異名之兩物使大地衆生皆得以盡性致命直超彼
岸耳但恐邪術亂正不可不辨析小乘失真不可不針砭前
於養性末章已諄諄言之猶恐世人之不悟也故於此復發
明真種破盡旁蹊曲徑使萬世學道者皆舍邪而歸正去僞
而卽真上與三聖演易黃老著經同其功用矣

伏食成功章第三十一

維昔聖賢懷玄抱真伏鍊九鼎化跡隱淪含精養神通德三光
精溢腠理筋節緻堅眾邪辟除正炁常存積累長久變形而仙
憂憫後生好道之倫隨旁風采指畫古文著爲圖籍開示後昆
露見枝條隱藏本根託號諸名覆謬眾文學者得之韞櫃終身
子繼父業孫踵祖先傳世迷惑竟無見聞遂使宦者不仕農夫
失耘賈人棄貨志士家貧吾甚傷之定錄此文字約易思事省
不煩披列其條核實可觀分量有數因而相循故爲亂辭孔竅
其門智者審思用意參焉勤而行之夙夜不休伏食三載輕舉
遠遊跨火不焦入水不濡能存能忘長樂無憂道成德就潛伏
俟時太乙乃召移居中洲功滿上升膺籙受符勤而行之十四
句世本誤入上

道藏輯要

參同契
闡幽

齋

虛集二
六十一

篇養性明辨邪
正章今正之

此章備舉伏食成功乃參同契中篇之總結也

維昔聖賢懷玄抱真伏鍊九鼎化跡隱淪含精養神通德三光
精溢腠理筋骨緻堅眾邪辟除正炁常存積累長久變形而仙
此言古聖自度皆由伏食而證大道也維昔聖賢蓋指黃帝
老子及古來上升諸真懷元抱真卽守中抱一歸根復命工
夫蓋養性之事也既有養性之事不可無伏鍊之功丹道以
九轉爲全功故曰伏鍊九鼎化跡隱淪者如黃帝丹已成而
鼎湖上升老子關既出而西竺化現是也人之元精元炁元
神上應天之日月斗極三者既全便與三光合其德矣故曰

含精養神通德三光黃中通理潤達肌膚故曰精溢腠理筋
骨緻堅此形之妙也保合太和性命各正故曰眾邪辟除正
氣常存此神之妙也九年面壁行滿功圓忽然超出形氣之
表號爲真人故曰積累長久變形而仙此之謂形神俱妙與
道合真也

憂憫後生好道之倫隨旁風采指畫古文著爲圖籍開示後昆
露見枝條隱藏本根託號諸名覆謬眾文學者得之韞櫃終身
子繼父業孫踵祖先傳世迷惑竟無見聞遂使宦者不仕農夫
失耘賈人棄貨志士家貧

此節言古聖著書覺世而後世失其意也古聖立心廣大不

道藏輯要

參同契
闡幽

奎
卷上

虛集二

肯作自了漢既已自度必思度人不得已而著書立言若黃
帝之陰符三百字老子之道德五千言併諸真所傳一切丹
經子書皆因憂憫後世好道之士不得其門而入特爲指點
性命根源各有所依傍指畫著爲圖籍所以開示後人而導
之入門也但恐泄露天機秘母言子露其枝條藏其本根若
三盜五賊元札橐籥之類併龍虎黃芽金華種種異名是謂
託號諸名覆謬眾文正欲使後之學者反覆研窮得意而忘
象耳惜學人迷惑者多了悟者少又不肯虛心求師指授真
詮譬若明珠大貝深藏櫃中無由見面不免貧困終身從父
到子從祖到孫塵塵劫劫迷惑相因迷而又迷惑而又惑竟

無覺悟之期既不識自己家珍貧困何時得了是猶宦者不仕農夫失耘商賈之人自棄其貨而有志之士長苦於家貧矣此如楞嚴衣中繫寶珠不自知覺求乞他方之喻也然此非先聖之過也先聖著書覺世本欲人人了悟豈知其若此迷惑乎所謂江湖無礙人之心只爲人過不得反覺江湖爲礙祖師無謾人之心只爲人透不得反怨祖師相謾是也若要不受謾須求大導師

吾甚傷之定錄此文字約易思事省不煩披列其條核實可觀分量有數因而相循故爲亂辭孔竅其門智者審思用意參焉此節自言其祖述古聖著書覺世之意也後學不悟先聖大

道藏輯要

參同契
開幽

癸
虛集二

道只因不得其門而入耳仙翁悲憫後學慨然著參同契一書衍大易乾坤坎離之象假丹家龍虎鉛汞之名而歸本於黃帝老子盡性至命之旨文取簡要故字約而易思旨本同歸故事省而不繁披列其條者一道分爲三家卽露見枝條之意也核實可觀者三家本來一道卽隱藏本根之意也然其立言之妙露而不盡露藏而不盡藏銖兩分數各有權衡皆因古聖之文而斟酌損益之使學人便於探討耳太露則恐泄天機故必多爲亂辭太藏則恐閉天道又必孔竅其門世有明眼之士能於三篇中反復參究得其孔竅之所在方知大道只在眼前櫃中之藏人人具足無有富者亦無有貧

者仙翁悲憫後學之意洵與黃帝老子諸上聖異世同揆而參同一書較之陰符三百字道德五千言尤爲踴事而加詳矣

勤而行之夙夜不休伏食三載輕舉遠遊跨火不焦入水不濡能存能亡長樂無憂道成德就潛伏俟時太乙乃召移居中洲功滿上升膺籙受符

此節言學者究參同之奧伏食而證仙也大道知行並進纔得足目雙全始患冥然無知既知矣又患不行既行矣又患不勤學人既得真師指授洞明伏食宗旨便當結侶入園死心煅煉老子云上士聞道勤而行之馬丹陽云師恩深重終

道藏輯要

參同契
關幽

卷

盧集二
XX

難報誓死闔牆鍊至真故夙夜不休方稱勤行伏食之功得丹只在一時然立基大約須百日結胎大約須十月至於乳哺溫養大約必須三載陳翠虛云片餉工夫修便得老成須要過三年是也然亦不可限定三年視工夫之勤惰何如耳溫養既足聖胎始圓可以輕舉而遠遊矣從此法身解脫縱橫自如火不能焚水不能溺或隱或現忽去忽來則有相故能存去則無形故能亡去來無礙豈不長樂無憂乎懷元抱真之謂道積功累行之謂德兩者全具方可遊戲人間待時升舉故曰道成德就潛伏俟時風塵之外有四海四海之中有三島三島之中有十洲上島曰蓬萊方丈瀛洲中島曰

芙蓉闥苑瑤池下島曰赤城元關桃源中有一洲曰紫府乃
太乙元君所居勾管神仙功行之地人若棄殼升仙先見太
乙元君契勘功行方得次第上升故曰太乙乃召移居中洲
至於功滿三千大羅爲仙行滿八百大羅爲容遂飄然上征
膺籙受符而證無上真人之位矣故曰功滿上升膺籙受符
雖然此姑假法象而言以接引中下之流使不落斷見耳究
而言之中洲卽是白巳丹局太乙卽是白巳元神上升卽是
白巳天堂膺籙受符卽是復還白巳乾元面目而不隨劫火
飄沉者也若洞明鍊神合虛鍊虛合道宗旨一切上升受符
直可等之於浮雲付之於太空矣此魏公不盡言之意乎

道藏輯要

參同契
闡幽

矣

虛集二
×811

此章雖結伏食成功實爲中篇全文總結蓋御政諸章但陳
造化法象未及性命竅妙也養性諸章方指性命關竅未悉
作丹功用也自太陽流珠以下七章纔備舉伏食之功或言
採取或言配合或言烹鍊上篇之所未悉者到此無復餘蘊
矣篇終矣遂自述作書之意上印古聖下啟後賢依而行之
立地成仙作祖豈不確然可信哉此處文義與上篇末章吾
不敢虛說傲傲聖人文隱然相應其爲中篇總結無疑世本
乃移入下篇之首誤矣至於勤而行之一段確是此章結尾
世本誤入上篇明辨邪正之末尤覺不倫今特依古本正之